

სახელმწიფო შესყიდვის შესახებ ხელშეკრულების პროექტი

ქ.თბილისი

----- 2020 წელი

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის NAT ----- ჩატარების შედეგად. წინამდებარე ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

1. ხელშეკრულებაში გამოყენებულ ტერმინთა განმარტება:

- 1.1. „ხელშეკრულება სახელმწიფო შესყიდვის შესახებ“ (შემდგომში- „ხელშეკრულება“) შემსყიდველ ორგანიზაციასა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ხელშეკრულების ღირებულება: საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის ამ ხელშეკრულებით დადგენილ ვადებში;
- 1.3. „დღე“, „კვირა“, „თვე“ - კალენდარული დღე, კვირა, თვე, თუ წინამდებარე ხელშეკრულებით სხვა რამ არ არის გათვალისწინებული;
- 1.4. „შემსყიდველი ორგანიზაცია“ - ორგანიზაცია, რომელიც ახორციელებს შესყიდვას;
- 1.5. „მიმწოდებელი“ - პირი, რომელიც ახორციელებს მომსახურების გაწევას სახელმწიფო შესყიდვის შესახებ წინამდებარე ხელშეკრულების ფარგლებში;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ტექნიკური დოკუმენტაცია“- მიმწოდებლის მიერ **NAT-----** ელექტრონულ ტენდერში სატენდერო წინადადებებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

მიმწოდებელი უზრუნველყოფს 41550 კაც/დღეზე სპორტსმენთა დღეში სამჯერად კვებას და თანმდევ მომსახურებას სატენდერო დოკუმენტაციისა და წინამდებარე ხელშეკრულებითა და ხელშეკრულების დანართებით განსაზღვრული პირობების შესაბამისად (CPV55510000);

3. ხელშეკრულების ღირებულება

- 3.1. ხელშეკრულების ღირებულებაა ----- ლარი;
- 3.2. ერთეულის ღირებულებაა (ერთ სულ სპორტსმენზე დღეში სამჯერადი კვება) ----- ლარი;
- 3.3. ხელშეკრულების ღირებულება მოიცავს, მიმწოდებლის ყველა ხარჯს დაკავშირებულს კვებით პროდუქტების შესყიდვასთან, მომსახურების გაწევასთან, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს (გარდაბუნებრივი აირისა, რომელის გადახდას უზრუნველყოფს ცენტრი) და საქართველოს კანონმდებლობით გათვალისწინებულ ყველა გადასახადს და მოსაკრებელს, მ.შ. დღგ-ს.

4. მხარეთა უფლება-მოვალეობები

4.1. მიმწოდებელი ვალდებულია:

- 4.1.1. უზრუნველყოს წინამდებარე ხელშეკრულების მე-2 მუხლით გათვალისწინებული მომსახურების გაწევა ხელშეკრულების პირობებისა და თანდართული კვების (სეზონური მენიუ: შემოდგომა,ზამთარი, გაზაფხული) მენიუს შესაბამისად, ხელშეკრულების გაფორმებიდან 2020 წლის 31 დეკემბრამდე, მისამართზე: ქ.თბილისი, თიანეთის გაზატკეცილი N37-ში მდებარე, სსიპ - საქართველოს ოლიმპიური რეზერვების მზადების ეროვნული ცენტრის ბალანსზე რიცხულ სასადილოში (შემდგომში „კვების ობიექტი“).
- 4.1.2. უზრუნველყოს მომსახურების გაწევის პერიოდში კვების ობიექტის უწყვეტი ყოველდღიური (დასვენებისა და უქმე დღეების ჩათვლით) ფუნქციონირება 08:00-დან 21:00-მდე;
- 4.1.3. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;
- 4.1.4. გაუწიოს შემსყიდველს მომსახურება დროულად და სათანადო ხარისხით, უზრუნველყოს სასუსრსათო ნედლეულისა და კვების პროდუქტების ხარისხისა და უსაფრთხოების სანიტარიული წესების, ნორმებისა და ტექნიკური რეგლამენტის დაცვა, იგი პასუხს აგებს საკვები პროდუქტის ხარისხზე და მის მიერ გაწეულ მომსახურებაზე.
- 4.1.5. უზრუნველყოს დადგენილი კვების ჯერადობის დაცვა; შემსყიდველთან შეთანხმების გარეშე არ განახორციელოს კვების მენიუში ცვლილებების შეტანა, ხოლო შეთანხმების შემდგომ შესაძლებელი იქნება

ცვლილებების შეტანა შესაბამისი კალორაჟის დაცვით;

4.1.6. უზრუნველყოს მომსახურების გაწევის პერიოდში მომსახურე პერსონალი შესაბამისი უნი-ფორმით და კვების ობიექტის თითოეული მომსახურე პერსონალის სამედიცინო შემოწმების ორგანიზება მოქმედი კანონმდებლობით;

4.1.7. საჭიროებისამებრ თავისი ხარჯებით უნდა აწარმოოს, კვების ობიექტის ფართისა (ისე რომ დაცულ იქნეს ტექნიკური რეგლამენტი და სხვა რეგულაციებით დადგენილი მოთხოვნები) და კვების ობიექტზე არსებული მატერიალური ქონების მიმდინარე სარემონტო სამუშაოები, უზრუნველყოს საკომუნიკაციო ქსელის გამართული მუშაობა (მ.შ. საკანალიზაციო ქსელი, ელ.ენერგია, გაზი, წყალი და ა. შ.), ასევე უნდა დაიცვას დაზიანებისაგან კვების ობიექტზე არსებული ინვენტარი (კვების ობიექტი არსებული ინვენტარით „მიმწოდებელს“ გადაეცემა ხელშეკრულების გაფორმებისთანავე მომსახურების დასრულებამდე შესაბამისი აქტით), წინააღმდეგ შემთხვევაში დაუყოვნებლივ უზრუნველყოს მათი პირვანდელ მდგომარეობაში აღდგენა ან შეცვლა ახლით.

4.1.8. უზრუნველყოს სასადილოში არსებული ბუნებრივი აირის, სასმელი წყლის და ელექტრო ენერგიის გაყვანილობების გამართული მდგომარეობა, ხოლო დაზიანების შემთხვევაში საკუთარი ხარჯებით უზრუნველყოს ტექნიკური შეფერხებების დროული აღმოფხვრა.

4.1.9. სასადილოში ბუნებრივი აირის, სასმელი წყლის და ელექტროენერგიის შეწყვეტის ან შეფერხებების შემთხვევაში იქონიოს ავტონომიური კვების ბლოკი, სასმელი წყლის და ბუნებრივი აირის საჭირო მარაგი.

4.1.10. უზრუნველყოს ელ.ენერგიის, ბუნებრივი აირისა და სასმელი წყლის სწორად და ეკონომიურად ხარჯვა.

4.1.11. უზრუნველყოს მომსახურების გაწევის პერიოდში სასადილოში და მიმდებარე ტერიტორიაზე სანიტარულ-ჰიგიენური ნორმების დაცვა, ასევე ყოველდღიურად გაიტანოს ნარჩენები ცენტრის ტერიტორიის გარეთ, კანონმდებლობით დადგენილი პერიოდულობით ჩაატაროს დეზინფექცია, დეზინსექცია, დერატიზაცია.

4.1.12. უზრუნველყოს სასადილო ხანძარსაწინააღმდეგო საშუალებებით და დაიცვას უსაფრთხოების ნორმები.

4.1.13. განხორციელოს ამ ხელშეკრულებით გათვალისწინებული მასზე დაკისრებული სხვა ვალდებულებები.

4.2. მიმწოდებელი უფლებამოსილია:

4.2.1. დამოუკიდებლად მოახდინოს სამუშაოთა ორგანიზაცია, განსაზღვროს უშუალო შემსრულებლები და გაანაწილოს მათ შორის ფუნქციები.

4.2.2. საკუთარი ხარჯით უზრუნველყოს კვების ბლოკი საჭირო სამზარეულო ინვენტარით (სულ 150 კაცზე საჭირო ოდენობის: ჭიქა, თევში, დანა-ჩანგალი, და სხვ.) მომარაგება, ასევე მანქანა - დანადგარებით (მაცივარი, ელექტროლუმელი ქარხნული წარმოების არანაკლებ ოთხქუროიანი (საყოფაცხოვრებო), საცხობი ღუმელი, ხორცსაკეპი მანქანა და სხვ.);

4.2.3. მოთხოვოს შემსყიდველს ხელშეკრულებით ნაკისრი ვალდებულებების შესრულება;

4.3. შემსყიდველი ვალდებულია:

4.3.1. უზრუნველყოს ხელშეკრულების შესრულების კონტროლი;

4.3.2. ყოველდღიურად წარუდგინოს “მიმწოდებელს” წინასწარ მეორე დღის განაცხადი: საუზმე, სადილი, ვახშამი (ვახშამზე წარადგენს მეორე დღის საუზმის განაცხადს, საუზმეზე წარადგენს სადილის განაცხადს, სადილზე წარადგენს ვახშამის განაცხადს) სპორტსმენთა დასწრების/რაოდენობის მიხედვით, რადგან სპორტსმენებს ხშირად უწევთ სასწავლო-საწვრთნო შეკრებებსა და შეჯიბრებებში მონაწილეობის მიღება, რის გამოც სპორტსმენთა კვებაზე დასწრება ცვალებადია.

4.3.3. წინასწარ წერილობით აცნობოს „მიმწოდებელს“ სპორტსმენთა არდადეგების ან/და დასვენების დაწყება/დამთავრების შესახებ.

4.3.4. აუნაზღაუროს მიმწოდებელს ხელშეკრულების ფასი ხელშეკრულების პირობების შესაბამისად.

4.3.5. განხორციელოს ამ ხელშეკრულებით გათვალისწინებული მასზე დაკისრებული სხვა ვალდებულებები.

4.4. შემსყიდველი უფლებამოსილია:

4.4.1. მოითხოვოს მიმწოდებლისაგან მომსახურების გაწევა წინამდებარე ხელშეკრულებით გათვალისწინებულ პირობებით, შემსყიდველი უფლებამოსილია ჩაატაროს კვებით ორგანიზებისა (მომსახურების) და საკვები პროდუქტების რეგულარული შემოწმება/კონტროლი შემსყიდველის მიერ განსაზღვრული უფლებამოსილი პირების მეშვეობით.

5. მომსახურების ხარისხი

5.1. განხორციელებული მომსახურების ხარისხი უნდა შეესაბამებოდეს საქართველოში მოქმედ სტანდარტებს, სატენდერო დოკუმენტაციას, ამ ხელშეკრულებითა და ხელშეკრულების დანართებით და კონკრეტული შეკვეთით განსაზღვრულ მოთხოვნებს .

5.2. ხორცის პროდუქტები (ხორცი, ქათამი (ქათამი შეფუთული ცალით) უნდა იყოს ახალი, ნედლი გაუყინავი არა გენმოდიფიცირებული, ადგილობრივი წარმოების, ყოველ შემოტანილ პროდუქციას უნდა ახლდეს ვეტერინალური მოწმობები (ფორმა N2). პროდუქციის უვნებლობა, ხარისხი უნდა აკმაყოფილებდეს საქართველოში მოქმედი

კანონმდებლობით დადგენილ მოთხოვნებს და მოქმედ სტანდარტებს.

5.3. თევზი (სიომგა, გაუყინავი, ოკეანის დაუშვებელია ხელოვნურ საკვებ დანამატებზე ხელოვნურად აუზებში გამოყვანილი, მოწოდება თავისა და კუდის გარეშე);

5.4. ბურღულეული (ასევე: მაკარონი, ვერმიშელი, ბრინჯი და სხვა) უნდა იყოს დაფასოებული არაუმეტეს 5კგ-იან შეფუთვებში, მასზე დატანილ ეტიკეტზე გარკვევით იკითხებოდეს პროდუქტის შენახვის ვადა, პირობები, მწარმოებელი ქვეყანა და შემადგენლობა. ფურნის პური, დაჭრილი და დამზადებული უნდა იყოს ნატურალურ საფუარზე, იყოს შეფუთული და იკითხებოდეს მწარმოებელი და შემადგენლობა. კვების პროდუქტები უნდა იყოს ნატურალური და არაგენმომდიფიცირებული.

5.5. საქონლის ხორცი კერძში უნდა იყოს მხოლოდ რბილი, ხილის ნამცხვარი დამზადდება ადგილზე ნატურალურ კარაქზე და არაგენმომდიფიცირებულ ხილზე, შოკოლადი არანაკლებ 72%-იანი, წვენი ნატურალური 100%-იანი, თაფლი ნატურალური სერტიფიცირებული, ყველი ქარხნული წესით დამზადებული სერტიფიკატით ან ეტიკეტით, შედედებული რძე „სგუმონი“ ნატურალურ რძეზე დამზადებული, რძე - ნატურალური, კარაქი ნატურალური არანაკლებ 82%-იანი, ჯემი მყარი შეფუთვა შუშა, ბლინი, პილმენი დამზადდეს ადგილზე ახალი ხორცით.

5.6. საკვები პროდუქტის ხარისხი უნდა აკმაყოფილებდეს ქვეყანაში არსებულ სტანდარტებს, პროდუქტის შენახვის დროს დაცულ იქნეს პროდუქტის შენახვის პირობები, ხარისხი და ჰიგიენა.

5.7. პროდუქტის შესაფუთ მასალაზე თვალსაჩინოდ უნდა იკვეთებოდეს მწარმოებელი, პროდუქტის შემადგენლობა, კალორაჟი, შენახვის პირობები და ვადები. კვების პროდუქტები უნდა იყოს ნატურალური და არაგენმომდიფიცირებული.

5.8. ადგილობრივი წარმოების შემთხვევაში ხორცპროდუქტების (სოსისი, ძეხვი და სხვ.), რძის პროდუქტების (რძე, მაწონი, ყველი, არაჟანი, ხაჭო და სხვ.) შემოტანა შესაძლებელია მხოლოდ ISO ან/და HACCP სერტიფიკატის მქონე საწარმოდან.

5.9. კვების ობიექტზე გამოყენებული ნედლეულის შეფუთვა და ეტიკეტირება უნდა შეესაბამებოდეს კანონმდებლობით დადგენილ ტექნიკურ რეგლამენტს.

5.10. მიმწოდებელმა ხელშეკრულების გაფორმებიდან მაქსიმუმ ერთ თვეში მიმწოდებელმა უნდა წარმოადგინოს საქართველოს სურსათის ეროვნული სააგენტოს მიერ გაცემული სერტიფიკატი მოცემულ მისამართზე (მიმწოდებელმა უნდა გაითვალისწინოს სააგენტოს ნებისმიერი მოთხოვნა და საჭიროების შემთხვევაში თავად, საკუთარი სახსრებით გამოასწოროს ყველა შენიშვნა შემსყიდველის მიერ დამატებითი ხარჯების გაწევის გარეშე).

5.11. მზა საკვები პროდუქტები/კერძები უნდა იყოს ახალი და საფრთხეს არ უნდა უქმნიდეს ადამიანის ჯანმრთელობას. დაუშვებელია ვადაგასული და საკვებად უვარგისი პროდუქტების მიწოდება. შემსყიდველი უფლებამოსილია, ხელშეკრულების მოქმედების ნებისმიერ დროს მოახდინოს მიმწოდებლის მიერ მოწოდებული საკვები პროდუქტების ხარისხის, შემადგენლობის და ვარგისიანობის, ასევე კვების ობიექტის (სამზარეულოს) ბაქტერიოლოგიური ლაბორატორიული კვლევა წლის განმავლობაში როგორც საკუთარი ასევე მიმწოდებლის (კვლევა უნდა ჩატარდეს ლიცენზირებულ ლაბორატორიაში, მხარეთა მიერ ერთობლივად დალუქულ, შესამოწმებელ პროდუქციაზე) ხარჯით.

5.12. 5.11 პუნქტით გათვალისწინებულ, დალუქვის პროცედურაზე დგება შესაბამისი ოქმი, რომელსაც ხელს აწერენ ხელშეკრულების მონაწილე მხარეები. იმ შემთხვევაში, თუ მიმწოდებელი უარს აცხადებს ხელმოწერაზე, პროცედურა შესრულებულად ითვლება თუ ინსპექტირების განხორციელებაზე უფლებამოსილი პირი შეადგენს შესაბამის აქტს და დალუქავს პროდუქციას.

6. ხელშეკრულების შესრულების კონტროლი

6.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების მიღების დროს, ისე ამ ხელშეკრულების მოქმედების პერიოდში, შემსყიდველის მოთხოვნის შესაბამისად.

6.2. კონტროლს (ინსპექტირება) განახორციელებს სსიპ „საქართველოს ოლიმპიური რეზერვების მზადების ეროვნული ცენტრი“-ს -----

6.3. შემსყიდველის შესაბამისი წარმომადგენელი (წარმომადგენლები, მოწვეული ექპერტი) უფლებამოსილია ჩაატაროს მომსახურების ხარისხის კონტროლი და თუ აღმოჩნდება უხარისხოდ გაწეული მომსახურება მიმწოდებელი ვალდებულია წერილობითი შეტყობინებიდან დადგენილ გონივრულ ვადაში გამოასწოროს წუნი.

6.4. მიმწოდებელმა ხელი უნდა შეუწყოს შემსყიდველს ინსპექტირების განხორციელებისას.

6.5. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექ.სამუშაოებით ან სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი.

7. მიღება-ჩაბარების წესი

7.1. წინამდებარე ხელშეკრულებით გათვალისწინებული მომსახურების მიღება წარმოებს მიღება-ჩაბარების აქტის სახით, მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით;

7.2. მომსახურება გაწეულად ჩაითვლება მხოლოდ მხარეებს შორის მიღება-ჩაბარების აქტის გაფორმებისა და ინსპექტირების განმახორციელებელი პირის/პირების დადებითი დასკვნის საფუძველზე;

7.3. მომსახურების მიღებას აწარმოებს სსიპ „საქართველოს ოლიმპიური რეზერვების მზადების ეროვნული ცენტრი“-ს ----

8. გარანტია

8.1. იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოიყენება გარანტირების მექანიზმის შემდეგი სახე საბანკო გარანტია, ხელშეკრულების საერთო ღირებულების ----%-ის ოდენობით.

8.2. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება.

8.3. საბანკო გარანტიის მოქმედების ვადა 30 დღით უნდა აღემატებოდეს ხელშეკრულების მოქმედების ვადას.

8.4. მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის საგნის საბოლოო მიღება-ჩაბარების აქტის გაფორმებიდან 5(ხუთი) კალენდარული დღის ვადაში.

8.5. მიმწოდებლისგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

9. ანგარიშსწორების ფორმა და ვადები

9.1. მიმწოდებელთან ანგარიშსწორება განხორციელდება ლარებში. ანგარიშსწორების ფორმა იქნება უნაღდო. გადარიცხვა მოხდება საბანკო ანგარიშზე ჩარიცხვის გზით;

9.2. მიმწოდებელთან ანგარიშსწორება განხორციელდება ყოველთვიურად ფაქტიურად გაწეული მომსახურების შესახებ მიღება-ჩაბარების აქტის გაფორმებისა და საგადასახადო ანგარიშფაქტურის საფუძველზე.

9.3. მიმწოდებელთან ანგარიშსწორება განხორციელდება მიღება-ჩაბარების აქტის გაფორმებისა და საგადასახადო ანგარიშფაქტურის წარმოდგენიდან 10 (ათი) სამუშაო დღის განმავლობაში.

10. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეთანხმების გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

ხელშეკრულების პირობების შეუსრულებლობა (საჯარიმო სანქციები, ფორმა, ოდენობა და გადახდის ვადები)

11.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

11.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში (გარდა ვადის გადაცილებისა) მიმწოდებელს დაეკისრება ჯარიმის გადახდა ყოველ ჯერზე ხელშეკრულების საერთო ღირებულების 0,5%-ის ოდენობით.

11.3 ხელშეკრულებით ნაკისრი ვალდებულებების შესრულების ვადის გადაცილებისათვის, მიმწოდებელს დაეკისრება პირგასამტეხლოს გადახდა, ყოველ გადაგადაცილებულ დღეზე. პირველი გადაგადაცილებული დღისთვის, პირგასამტეხლოს ოდენობა განისაზღვრება, ხელშეკრულების საერთო ღირებულების 0,2%-ით. შემდეგომ გადაგადაცილებულ დღეებზე, პირგასამტეხლოს ოდენობა შეადგენს, ხელშეკრულების საერთო ღირებულების 0,4%. იმ შემთხვევაში, თუ პირგასამტეხლოს საერთო ოდენობა მიაღწევს ხელშეკრულების ღირებულების 1%-ს, შემსყიდველი უფლებამოსილია შეწყვიტოს ხელშეკრულება.

11.4 იმ შემთხვევაში თუ ვალდებულების დარღვევა ეხება ბენეფიციართათვის მომსახურების გაწევის დღის სრულად გამოტოვებას, მიმწოდებელს დაეკისრება პირგასამტეხლო ხელშეკრულების ღირებულების 1%-ის ოდენობით, ყოველ ჯერზე.

11.5 თუ ამ ხელშეკრულების 5.11. პუნქტით გათვალისწინებული ლაბორატორიული კვლევისას დადგინდა მოწოდებული საკვების პროდუქტების კალორაჟის, ხარისხის, შემადგენლობის და ვარგისიანობის შეუსაბამობა შემსყიდველის მიერ მოთხოვნილსა და არსებულ სტანდარტებთან, მიმწოდებელი ჯარიმდება ხელშეკრულების ღირებულების 2%-ით და იხდის კვლევის ღირებულებას იმ შემთხვევაშიც თუ აღნიშნული ჩატარდა შემსყიდველის მიერ. ხოლო შემსყიდველი იტოვებს უფლებამოსილებას ხელშეკრულების ცალმხრივად შეწყვეტის შესახებ;

11.6 ხელშეკრულების შეწყვეტის შემთხვევაში, მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად შემსყიდველის სასარგებლოდ.

11.7 მიმწოდებლის მიერ ხელშეკრულების შეწყვეტის მოთხოვნა განიხილება, როგორც ვალდებულების შეუსრულებლობა და შემსყიდველი ვალდებულია გარანტორისგან გამოითხოვოს საბანკო გარანტიით გათვალისწინებული საბანკო გარანტიის სრულად ანაზღაურება.

11.8 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

11.9 თუ დაკისრებული პირგასამტეხლოს ღირებულებამ შეადგინა, ხელშეკრულების საერთო ღირებულების 1%, შემსყიდველი ორგანიზაცია უფლებამოსილია შეწყვიტოს ხელშეკრულება.

11.10 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1 წინამდებარე ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

12.2 ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულებების პირობების გადასინჯვა ხდება საქართველოს კანონმდებლობით დადგენილი წესით.

12.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის

შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;

12.4 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შეწყვეტა

13.1 ეს ხელშეკრულება შეიძლება ვადაძღვე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით ცალმხრივად, თუ მეორე მხარე არ ან არაჯეროვნად ასრულებს ნაკისრ ვალდებულებას, რის თაობაზეც მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა არანაკლებ 5 სამუშაო დღის ოდენობით, ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესები ეკარგება, ან საქართველოს სამოქალაქო კოდექსით გათვალისწინებულ შემთხვევებში;

13.2. ხელშეკრულების შეწყვეტა (მათ შორის ვადის გასვლის გამო შეწყვეტა) არ ანთავისუფლებს მხარეებს:

იმ ვალდებულების შესრულებისაგან, რომლებიც ხელშეკრულების შეწყვეტამდე წარმოიშვა და ზიანის ანაზღაურების (ზიანის არსებობის შემთხვევაში) მოთხოვნის დაკმაყოფილების ვალდებულებისაგან;

13.3. ხელშეკრულების ცალკეული პირობების შეწყვეტა არ ათავისუფლებს მიმწოდებელს დანარცენი ვალდებულებების შესრულებისაგან

14. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

15. ფორსმაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორსმაჟორული მდგომარეობით.

15.2 ამ მუხლის მიზნებისათვის „ფორსმაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორსმაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოებების, მათი გამომწვევი მიზეზების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულებების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

16. დავები და მათი გადაწყვეტის წესი

16.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

16.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს.

17 ხელშეკრულების მოქმედების ვადა

ხელშეკრულება ძალაში შედის თავში მითითებული თარიღიდან და მოქმედებს 2021 წლის 31 იანვრის ჩათვლით.

18 გარდამავალი და დასკვნითი დებულებები

18.1 წინამდებარე ხელშეკრულება შედგენილია ქართულ ენაზე;

18.2 წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან ორი ინახება „შემსყიდველთან“, ერთი - „მიმწოდებელთან“.

